

洪雅縣志卷之八

藝文 詩上

過石面渡至三寶寺

四川學使何紹基 道州人

仙溪誰溯稚川家  
金釜山前石徑斜  
危壁千尋天半削  
扁舟一翦水三叉  
高粱矮稻村村稼  
古柳新桐步步沙  
野市未嫌人語鬧  
得瞻舊史聽兒誇

伍芸青大令邀遊月珠寺田公書院雅雨樓

東南避敵計遷延  
剩有藩籬在兩川  
鐵鑄壽山兼福

洪雅縣志

卷八

藝文詩

一

海題名留得紹興年

有山有井號修文  
舊宅猶傳諫議君  
書院尙存遺直碣  
野人爭指狀元墳

峩眉瓦屋兩崢嶸  
日對奇山待政成  
啟牖膠庠盧雅雨  
甄菟文獻宋梅生

山中卽景

何紹基

單夾輕棉取次加  
新涼先到野人家  
天時大有城鄉別  
開遍深山老桂花



綫路如絲引未休山行無處計庚郵巖腰乍轉輿人  
笑已出嘉州到雅州

遠樹團煙箇箇圓新晴潑出淺藍天飛泉百道喧如  
雨匯作洞潭轉寂然

負戴官鉛項背彎艱辛不于互牽攀巉巖萬仞人偏  
聚止爲天生大寶山

梅坡

何紹基

峭壁梅坡險輕烟柳店遮黃垂蠻蒜子紅綻鹿葱花

洪雅縣志

卷八

藝文詩

二

路曲因泉直崖深易日斜雨聲來恐客燈火辨人家

鐵索橋

何紹基

五里一鐵索橋十里一鐵索橋一搖一步一凝視橋  
實不搖人自搖我手緣索心正靜俛瞰波流自見影  
過橋又上山板行止當過橋足毋騁

雙洞溪左右銅做不見一人

何紹基

四邑環治瓦屋山山場惟有洪雅寬銅鉛鐵炭山力  
富地不愛寶人樸完榮經商民有心計始以采銅媚

長官私開幾年漸登稅毛礦易竭財力殫雙溪寺前  
新礦出天爲官商補蹇難豈知滋發未三載礦苗漸  
少人夫閒銅歸榮經地洪雅累年官牘爭端煩利不  
易興害易積巧不可恃拙可安軍興未已帑藏絀京  
師郡國添鑄錢榮經之苦方未已有言利者尙慎旃

鑽天坡

又向鑽天坡上行籃輿攀陟野人驚穿雲一線無尋  
處問路惟憑笋子棚

洪雅縣志

卷八

藝文詩

三

擦耳厓

何紹基

兩厓壁立石相距僅盈尺待我走過時汝方合爲一

木皮殿

何紹基

步出泥水中走上木皮殿然鐙尋衲子照見菩薩面  
低眉已睡著見客色不變待客睡著時才把光明現

早上觀光臺俛臨金剛石

何紹基

何佛是辟支何相是光相步上觀光臺神光幾時放  
紅日到人面乃知寺東向蒙氣埽盪餘諸天來照曠

我眉若拱揖東西屹相望須臾白霧起如綿復如浪  
鎔作一天雲匿盡千重嶂惟有金剛石突兀不相讓  
嶷嶷峙吾前剛正萬夫將吾見亦悚然有念不敢妄

鴛鴦池

何紹基

法界鴛鴦飛上天長橋終古臥波眠高原坦蕩無人  
到烟雨寒多不可田

水星巖

何紹基

茲山如佛母胸脇具百乳法漚空中飛滋養萬兒女  
洪雅縣志 卷八 藝文詩 四  
眾竅外發中相通懸流聲出初日東八功德水真無  
量一洗人間煩惱空

回到洪雅署芸青復欵留一日因游臨江寺吾  
僕陳芑病留在署數日頗劇早間令先歸去  
瓦屋歸來得少休高齋閒院又勾留看雲步出臨江  
寺隔水還明雅雨樓鄉裏性情珍小別山城風雨易  
深秋連宵病僕勞勤護暫慰山人一夜愁

留別洪邑士民

邑令孫

訥山東人

我本書生耳原不曉吏治今來宰爾邑美錦新學製  
除賊而安良是我平生志但媿力未能徒使精神憊  
昨聞遍閭閻謂我勤撫字各挾柴米來饗飧爲我計  
父老雞黍迎囊橐傾相繼其後寫葩經頌祝情無暫  
邑中有淳風敬長遵古誼一語轉相煩諸君將我情  
訓誡四鄉民個個勿自棄入則事父兄出則力農事  
旣可保身家亦可教子弟洗除刁健風公堂莫輕至  
使我訟庭閒便勝千金賜

洪雅縣志

卷八

藝文詩

五

詠棠舊舍刻候濤詩成和韻

邑令

張錫路

鎮海人

翹首梅花嶺迢迢五十里懷人不相見引領長已矣  
嗟我外王父自號憩真子飄泊嶺海閒著書尺有咫  
名噪日南聲價高洛陽紙示我詩一篇淪肌復浹髓  
平淡由天真縱橫具妙理乍如天臺僧絕粒形不毀  
又如西來佛低眉大歡喜人生若舜華朝榮夕已萎  
惟茲身後名爲可久長耳公今老風塵非隱復非仕  
才奇窮亦奇運否道不否夜郎流太白錦江困子美

古今同一慨奕葉終仰止小子本無知生長窮鄉鄙  
春竈亂蠹生秋案枯螢死胷襟旣未超吐辭亦多俚  
墮入塵網中一蹶不復起所賴詩興來別有峯棱峙  
自顧無師學無以窺蘇李詎知尺素書流到門前水  
示我作詩源導我學詩軌虞廷言志訓宣聖無邪旨  
頓開茅塞心不盡薪傳指更勞誨諄諄學術崇本始  
相勸以道德相戒以邪侈謂爲有夙根斯言吾實恥  
自惟樗櫟材幸叨宗工庀所慙巴人歌陽春不得擬

洪雅縣志

卷八

藝文詩

六

願請回一顧勿作門外視更請下一語亦復非粗滓  
爲人與爲詩不分彼與此南風雅頌中忠孝節義是

喜雨有作

邑令

解開祥

直隸人

斯邑四圍山田疇少堰水若逢十日晴厥苗一以萎  
天道有循環泰極受之否自冬以徂春甘霖艱至此  
呼天天莫應焚香罪省已得無政刑間有負於閭里  
憂心徒慙慙莫知其所所以爰偕同城官行我所禱禮  
齋戒齊設壇食貶甘與旨一日跪拜三爲時已有幾

豈無微雨來雲薄薄於紙時雨復時晴荒穢何能理  
不謂際中宵濃雲急如駛雷電作三聲爲霖從此始  
喜極不成眠披衣爲之起出郭望田疇相遇農家子  
蓑笠行且歌或耘亦或耔相與慶有年降康天實使  
快哉復快哉我心詠則喜豈惟我心詠則喜咸聽歡  
聲載道矣

題節孝王母田孺人懿行後

邑令

李從簡

甘肅人

歲之己未錦城裏一紙徵詩來千里當年杖策走燕

洪雅縣志

卷八

藝文詩

七

秦苦節貞心聞久矣關中田姓舊門楣鍾秀瑤臺第  
一枝嚴慈庭訓垂陰教少小深閨嫻女儀香車隨侍  
赴金臺待字年華詠絮才公子王孫爭委雁難將玉  
鏡問芳媒佳壻由來在故鄉東床坦腹是王郎烏衣  
門第風流擅彩筆雲烟意氣揚納采問名諸儀備向  
平稍遂平生志暫將甥館貯阿嬌且待同歸金屋置  
豸署春長人似仙如賓相敬永無愆已看結髮成佳  
偶更祝齊眉到百年狂飈動地無端起吹折一枝木

連理請代焚香天不知王郎淹滯都門死天上人間  
悲永訣斑斑淚暈碧凝血拚將絕粒誓相從未能同  
室思同穴白髮當前日影曛有親無子倍酸辛不圖  
盡節須完節一死殉君轉負君留身代得夫與父愁  
容惟恐重闈睹寡媳善博暮年歡大母渾忘勞獨苦  
膝下並無一塊肉淒涼寒食墓前粥螟蛉有子亦猶  
真畫荻丸熊堪式穀何期事畜兩無資薄命人逢薄  
命時祇憑機杼供甘旨尤賴經營儲度支避債臺高  
百尺城一朝墮卻平復平昔時要約終須踐忍使人  
亡累友生更卜牛眠擇吉地碑碣巍然分明記魂魄  
有知死亦安補盡生前缺陷事海枯石爛操不變碧  
落黃身好謀面貞潔雖因境遇殊節孝傳中能幾見  
從來奇福在天倫五世其昌已種因旌表卽今逢  
聖代煌煌天語煥絲綸楊君子經重芳誼騷客爭傳  
絕妙詞我思濡毫訂詩史自愧才疎位又卑

創建龍神祠落成

邑令張那鈞直隸人



萬利出於農農功需乎雨自來祀龍神猶之祀田祖  
不識我車岡因何無廟宇相沿數百年借供冥王府  
龕座斜傍鐘香案低依柱昏黑不見天未免太狎侮  
余於去年春捧檄蒞斯土目繫此情形怒焉不自主  
前人缺陷留事應後人補祇緣初下車有懷未及吐  
適當夏五月旱魃肆其虐水少難插秧民心齊恍惚  
安排祈雨壇自恃誠不竭萬罪引當躬縲綫去參謁  
區區愚昧忱竟上達王闕一聲雷匍匐千山雲蓬勃

俄頃降滂沱霎時徧凹凸靈應不負人人敢弗酬答  
爰集都人士立廟商創始問此曰善哉問彼曰應爾  
獨力恐難成眾擎方足恃結聯千佛經各黨飛一紙  
好善民之情油然不能已功果向我來木石擇人理  
究竟建何方須從基址起相度及再三得地眾心喜  
無如後最低參差勢不齊半面如岡阜半面若澗溪  
雇倩土工力忙將搗搗提崇朝無坳坎百事有端倪  
則見架梁棟當頭起虹霓旋教施黝堊滿目燦金泥

映帶壽亭左控馭鬼關西堦前平似砥壁後堅於堤  
噫嘻復噫嘻龍神得所棲從此雨時雨長保我庶黎

題樊玉農孝廉雲棧思親圖

邑令

孟毓勳

山西人

我今年四十功名一吏耳免俗誠未能有情誰遣比  
少壯負才名流光疾于駛賦性自愚戇動輒遭時毀  
世味日因循隨風而不靡悠悠廿載餘研田力耘耔  
憶昨侍高堂色笑承甘旨背痒敬抑搔寒暖必在視  
坐中悉親故共說萊衣子胡爲賦遠遊見獵生心喜

洪雅縣志

卷八

藝文詩

十

遂叱王尊馭西馳五千里不憚勞人勞誰甘鄙夫鄙  
猶記臨行時母訓切噬指古來好官員不貪而已矣  
兒心實睽睽兒聲應唯唯何嘗須臾忘宦情冷如水  
一夜一迴環庭幃春夢裏不辱在知足不殆惟知止  
覽君思親圖中夜旁皇起非子安知予惟我實與爾  
千載同此心千載同此理心心相印中畫圖母乃是  
兒役尙慎旃母間獨自倚歸哉復歸哉莫戀錦城美

遊月珠寺

邑令

敖立榜

湖北人

春光點染化工敷譜出晴嵐古寺圖千載壽山連福  
海雙峯涼月映明珠殘碑剩字閒中認曲檻橫橋醉  
後扶萬戶人家新雨露羣公一路頌醍醐

洪雅卸篆晉省住雨彭山有感 敖立榜

滿道攀轅送宰官無奇謬博士民歡焦琴瘦鶴行裝  
簡細雨斜風客路寒紅葉沿山鋪畫稿蒼生到處繫  
心肝同人莫憚星霜苦霽色明朝放眼看

夜宿三寶寺 同治元年

峩眉縣令秦象曾 江南人

洪雅縣志

卷八

藝文詩

十一

此地經烽火何年始罷兵荒村投宿處野渡逐灘聲  
天晚牛羊下堂空燕雀爭一樽相餉我郵長倍多情  
山色常如此晨光露復收征人爭捷徑季子亦扁舟  
薄官生涯托中流天地浮攜來雙不借飛鳥到瀛洲

誌別

邑令王好音 太湖人

暮年忘樂事抱子識之無遺業詩書舊從遊筆硯蕪  
一堂珍授受四代聚師徒更有嬰兒戲攜曾並弄雛  
九載論交淡羣公惠我深賢勞欽夙著豪右漫相侵

義田租界續志當金券月珠山房藏板刊誤先祠萃藝林田公祠修

義學脩金為書院舊書院暫作考棚有基俾勿壞庶不負予心

丙寅九月率裕字兩營馳赴洪雅之八面山尖

峯寺愴然有感

游擊 費三春 湖南人

時事有今日數定長在天劫灰沒荒草鬼火含青煙

哭聲天地震殺氣欃槍懸尖峯何律峯由來千萬年

既不逝我後胡不逝我先雅水血流紅洗甲銀河邊

丈夫重義氣太息涕漣漣何必羨功德此山非燕然

洪雅縣志

卷八

藝文詩

十三

刊張霞泉邑侯文集敬題

工部主事 李昶元 丹稜人

春風久別苦相思想像琴堂立雪時落落遊仙千古

夢悠悠作宦四年期文章為我傳心印事業憑人紀

口碑遺稿刊成揮淚讀長留一卷在峩眉

心血飄零廿五篇殷勤檢校證前緣程門路杳三千

界陸氏莊荒十八年知己獨深寒士感遺編力為長

官傳題箋寄語飛蝴蝶好慰羅浮座上仙

其文集費氏雅南書屋藏版